

KENYATAAN MEDIA

SWM KASIH CERIAKAN 45 PENGHUNI PUSAT JAGAAN PERSATUAN KEBAJIKAN RUMAH SRI RAGHAVENDRA

SEREMBAN, 18 OKTOBER 2022 – Sempena sambutan perayaan Deepavali yang bakal disambut tidak lama lagi, SWM Environment Sdn Bhd (SWM Environment) melalui entiti tanggungjawab sosial korporat (CSR) SWM Kasih telah menyantuni 45 orang penghuni daripada Pusat Jagaan Persatuan Kebajikan Rumah Sri Raghavendra bagi menyalurkan sumbangan sebagai persiapan menyambut perayaan tersebut.

Pengurus Besar Korporat SWM Environment, Mohd Norlisam bin Mohd Nordin berkata sumbangan ini merupakan komitmen berterusan SWM Environment untuk membantu membangkitkan keceriaan dan kegembiraan kepada golongan yang kurang berkemampuan sempena musim perayaan.

“Program SWM Kasih telah melaksanakan pelbagai program tanggungjawab sosial (CSR) dalam membantu golongan yang memerlukan terutama ketika sambutan musim perayaan. Kami berharap melalui inisiatif yang diberikan dapat mengurangkan beban mereka yang kurang berkemampuan dan seterusnya membantu mereka untuk membuat persiapan perayaan Deepavali nanti”. Katanya lagi.

Jelasnya, bertepatan dengan konsep Keluarga Malaysia, penekanan terhadap keterbukaan, kebersamaan dan keterangkuman minda dalam menggembelng tenaga daripada pelbagai aspek termasuklah menjalani kehidupan harmoni dan saling menghormati diantara satu sama lain amatlah diperlukan terutamanya menyantuni golongan sasaran tanpa mengira kaum dan agama yang dianuti.

Pada majlis tersebut, sumbangan berbentuk barangan keperluan harian telah diberikan kepada penghuni pusat jagaan yang terdiri daripada lima orang kanak-kanak yang berusia diantara sembilan hingga 18 tahun dan 40 orang dewasa berusia diantara 31 hingga 85 tahun. Selain itu, SWM Environment turut memberikan beg *goodies* yang berisi biskut raya dan makanan ringan.

-TAMAT-



MENGENAI SWM ENVIRONMENT SDN. BHD.

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

Puan Nurul Liza Binti Mohd Najib

Penolong Pengurus

Jabatan Komunikasi Korporat & Hal Ehwal Kerajaan

SWM Environment Sdn. Bhd. (Pejabat Wilayah Negeri Sembilan)

Tel : 06 – 6014280/ 012 – 684 7168

E-mel : nurulliza.najib@swmsb.com